



Kon mi por paga impuesto?

Belastingdienst (B/CN) tin un kuenta na tur banko di Hulanda Karibense pa hasi pagamentu ku menos kosto posibel. Na momento ku ta hasi un pago ta importante pa mèldu e karakterístika di pago.

Unda bo ta haña e referensia di pago?

Tur dokumento di B/CN ta suministrá ku un referensia di pago riba nan. Bo ta haña esaki parti ariba di e dokumento ku bo risibí di B/CN, bo ta haña esaki tras di e palabra 'referensia di pago'. Si bo uza e referensia di pago akí ora di hasi bo pago, B/CN ta garantisá ku ta prosesá bo pago korektamente.

Pago via di banko por di e siguiente maneranan:

Serka un banko lokal atraves di 'online banking'

Si bo ta paga un papel di belasting, por favor mensioná e ora ei e **number di e aanslag** korekto. Si bo ta paga un deklarashon di ABB/LB/OVB/KSB/OPB, por favor mensioná e ora ei e **referensia di pago** korekto. Bo ta haña esaki parti ariba di e dokumento ku bo risibí di B/CN, tras di e palabra **referensia di pago**.

** Importante: entrega bo deklarashon online na B/CN.*

Pago via di e lokèt di bo banko lokal

Si bo ta paga un papel di belasting, por favor mensioná e ora ei e **number di e aanslag** korekto. Si bo ta paga un deklarashon di ABB/LB/OVB/KSB/OPB, por favor mensioná e ora ei e **referensia di pago** korekto. Bo ta haña esaki parti ariba di e dokumento ku bo risibí di B/CN, tras di e palabra referensia di pago.

Tep pa hasi pago di diferente impuesto:

Kon mi ta paga impuesto pa vehíkulo motorisá (motorrijtuigenbelasting) (MRB) na Boneiru?

Si bo ta paga bo impuesto di vehíkulo via 'online Banking' òf via lokèt di bo banko por favor mensioná e ora ei bo 'cribnummer' i number di aanslag. Bo por warda e resibu di banko komo prueba di pago.

Kiko mester hasi si bo a kumpra un auto nobo?*

Bo ta bai serka bo kompania di seguro i esaki ta pidi un number di vehíkulo pa bo serka Entidat Públiko Boneiru. Despues bo por transferí e suma di e number di vehíkulo i e impuesto di vehíkulo pa B/CN òf por paga kèsh na FXDC (pòstkantor). Mensioná e ora ei por favor di un manera kla bo cribnummer i nòmber i number di vehíkulo. Despues di hasi e pago bo por bai ku bo papel di seguro bálido i e prueba di transakshon di banko òf bo pago na pòstkantor i bo dokumento di identifikashon na Entidat Públiko Boneiru pa buska bo number di vehíkulo.

**Solamente aplikabel pa Boneiru.*

Kon mi ta paga si mi tin un areglo di pago?

Ora bo paga, por favor mensioná e **referensia di pago** korekto di bo areglo di pago. Esaki ta pará riba bo karta, i e ta kuminsa ku un año i sigi ku RG.

Kon mi ta paga grondbelasting?

Ora bo paga, por favor mensioná bo 'cribnummer' siguí pa e **referensia di pago korekto**.



Kon mi ta paga èrfpagt?

Ora bo paga, por favor mensioná bo 'cribnummer' siguiú pa e **referensia di pago korekto**.

Kon mi ta paga pa ABB ora di importashon?

Hasi un transferensia (online) riba e number di kuenta di B/CN serka bo banko i mensioná huntu ku esaki e **referensia di pago**. E referensia di pago pa pago di e ABB di importashon ku bo debe, bo ta haña riba bo dokumentonan di importashon. E referensia di importashon akí ta pará den e fèlt 'documentnummer' i ta kuminsá sèmper ku un A òf C siguiú pa un kombinashon di sifra.

Mi por paga diferente belasting pareu ku un transferensia?

Porfavor hasi transferenshanan apart, asina bo ta yuda nos procesá sin error. Si bo ta paga via e lokèt di bo banko i bo ta paga den un solo tiru, perkurá e ora ei por favor ku e **referensianan di pago** lo ta bon indiká riba e komprobante di pago. Esaki ta yuda nos pa procesá sin error.

E numbernan di kuenta di Belastingdienst CN ta:

MCB # 402.917.08

RBC # 8400000 180 872 997

BDC # 306.388.02

ORCO # 760.1000.195

WIB Saba

810.500.00

WIB Sint Eustatius

820.50.000

E tarifanan aktual pa MRB na Boneiru bo ta haña aki bou:

Kombustibel	Plachi di Number (lèter)	Henter aña	Mitar aña	Plachi di Number
Gasolin	B òf V	USD 190.00	USD 95.00	USD 8.40
Disel	B òf V	USD 838.00	USD 419.00	USD 8.40
Gasolin	TX òf AB	USD 137.00	USD 68.50	USD 8.40
Disel	TX òf AB	USD 209.00	USD 104.50	USD 8.40
Gasolin	BF òf MF	USD 137.00	USD 68.50	USD 5.60
Disel	Z	USD 1,257.00	USD 628.50	USD 5.60

Si ta kèsh bo ke paga?

Tin e posibilidat pa bo hasi bo pago kèsh i sin gastu adishonal na FXDC - pòstkantor.